



# Secziun da catschadurs Bostg

## Andiast | Pigniu | Vuorz | Siat | Rueun

### Protocol dalla radunonza da primavera dils 24 d'avrel 2025 allas 20:00 a Vuorz

#### Suprastonza

Ignaz Spescha, president  
Janic Schlosser, actuar / vice-president  
Toni Cadalbert, cassier  
Paul Cahenzli, survigilader da tir e material  
Remo Alig, cau da tgira

**Presents:** 26

**Perstgisas:** 9

**Buc perstgisau:** 54

#### Tractandas

1. Beinvegni
2. Appel ed elecziun da dus dumbravuschs
3. Approbaziun dalla gliesta da tractandas
4. Approbaziun dil protocol dalla radunonza generala dils 24 da schaner 2025 ad Andiast
5. Conclus per las propostas inoltradas per mauns dalla radunonza da delegai a **Breil (mira catschadur grischun)**
6. Elecziun dil president / presidenta
7. Informaziuns dallas dumbraziuns da selvaschinas / primavera 2025 (Arnold Caminada)
8. Orientaziun dil comité d'organisatziun DV Breil (Roland Vincenz)
9. Orientaziun tir intern 2025 Pardiala
10. Mutaziuns
11. Varia

Tractandas/Conclus/Discussiun etc.	Responsabel
<p><b>1. Beinvegni</b></p> <ul style="list-style-type: none"><li>• Ignaz fa a tuttas commembras e commembers in cordial beinvegni. Specialmein a Gion Fidel Spescha, ch'el sengaschi aunc adina en sia vegliadetga per nossa secziun da catschadurs.</li><li>• Era in cordial beinvegni va ad Arnold Caminada, che presenta a nus las dumbraziuns dalla selvaschina dalla primavera. Arnold surpren quei, cun quei che Patric Ragettli lai sespertgisar per la radunonza da primavera.</li></ul>	I. Spescha
<p><b>2. Appel ed elecziun da dus dumbravuschs</b></p> <ul style="list-style-type: none"><li>• Appel vegn dumbraus atras da Janic. Aschia ch'ei curescha negina gliesta da presenza. En tut ein 26 commembers presents, includau la suprastonza.</li><li>• Sco dumbravuschs vegnan Bruno Tomaschett e Gion Giacun Spescha elegi unanimamein.</li></ul>	I. Spescha
<p><b>3. Approbaziun dalla gliesta da tractandas</b></p> <ul style="list-style-type: none"><li>• La gliesta da tractandas per la radunonza da primavera dils 24 d'avrel vegn approbada unanimamein. Ei dat neginas midadas.</li></ul>	I. Spescha
<p><b>4. Approbaziun dil protocol dalla radunonza generala dils 24 da schaner 2025 ad Andiast</b></p>	I. Spescha

<ul style="list-style-type: none"> <li>• Il protocol dalla radunonza generala 2025 ad Andiastr ei vegnius mess tier da Janic per e-mail / brev.</li> <li>• Il protocol ei vegnius approbaus unanimamein, senza midadas.</li> </ul>	
<p><b>5. Concluser per las propostas inoltradas per mauns dalla radunonza da delegai a Breil (Mira catschadur grischun)</b></p> <ul style="list-style-type: none"> <li>• <b>Proposta nr. 1:</b> Il temps da catscha per igl onn 2026 vegn elegius unanimamein per varianta in. Pia naven dils 03.09 – 13.09. ed ils 21.09 – 30.09. Aschia ha la secziun da catschadurs Bostg dau la suatientscha alla suprastonza centrala. Cun quei che ils davos dis ein el passau stai ina u l'otra gada da success e la scargada dallas alps ein vargadas, savess quei esser in avantatg.</li> <li>• <b>Proposta nr. 2:</b> La proposta vegn dalla secziun Raschil. Elle cuntegn il mantanement da tgauns per catscha bassa. Aschia che la patenta sto vegnida prida in agada pil tgaun e puc per plirs catschadurs, sche quei ei il cass che il tgaun va a catscha en plirs mauns da catschadurs. La secziun Bostg ha dau suatientscha a quella proposta unanimamein.</li> <li>• <b>Proposta nr. 3:</b> La proposta ei vegnida ilontada dalla secziun da catschadurs da Versomi. Ella fa la proposta da dar liber il caliber da catscha enzi viars naven da 7 mm. La secziun Bostg ha 11 vuschs encunter 2 vuschs persuerter e 13 senza meini. Aschia che la secziun Bostg suanda alla suprastonza centrala, da buca sustegnir quella proposta per dar liber il caliber. Quei ord differents motivs ch'ei vegni discussiunai la sera duront la radunonza.</li> <li>• Remo Alig e Sino Hunger representan nossas vuschs alla radunonza da delegai dils 10 da matg 2025 a Breil. Engraziel fetg.</li> </ul>	J. Schlosser
<p><b>6. Elecziun dil presidet / presidenta</b></p> <ul style="list-style-type: none"> <li>• Il comité d'organisaziun per anflar in presidet ha fatg entgens telefons e discuors, denton senza positiv resun, quei che dat alla suprastonza fetg da patertgar. Ignaz demisunescha dil post sco president, cun quei che el sesenta pertucont sia udida buca bein. El veigi denton sco substitut fatg fetg bugien ed engaschau quella grondiusa lavur.</li> <li>• Janic Schlosser semetta prompts da far il post da president per immediat, quei cun vuschs unanimamein.</li> <li>• Anflar in actuar ei denton buca sempel. La sera da radunonza ei negin sesentius pertucaus da surprender quei post aschia che Marco Tschuor che veva dau tier provisoricamein per telefon surpren quei post (Stand 29.04 – Marco Tschuor surpren quei post).</li> <li>• Pil futur dat quei denton da patertgar e fa mal il magun alla suprastonza. Igl ei don che ei drova inern aschi bia midadas da posts per tegner sidretg la suprastonza. Vinavon eis ei era donn, che la participaziun dils commembers e fetg pintga e cunzun adina dils madems.</li> </ul>	I. Spescha
<p><b>7. Informaziuns dallas dumbraziuns da selvaschinas / primavera 2025 (Arnold Caminada)</b></p> <ul style="list-style-type: none"> <li>• Arnold Caminada metta avon la dumbraziun da selvaschinas dalla primavera 2025. Sche zatgi less las ceffras ni la presentaziun detagliada dalla sera, astga el bugien s'annunziar tier Arnold. Igl ei vegniu mess avon ceffras dalla catscha aulta e catscha speciala, sco catmutschs, cavreuls e tscharvas. Plinavon ha el menziunau la monitorisaziun dil luf tscharver.</li> <li>• Ei ha dau in liung discuors pertuccont la catscha speciala, pertuccont las ceffras ed ils cunfins dils secturs. Aschia ha Arnold mess avon treis differentas variantas. Per la secziun Bostg ei il resun tier varianta treis acceptabla. Quei ei denton zatgei che stat en planisaziun. Informaziuns detagliadas suondan. La discussiun era fetg interessanda ed ei ha cristalisau ora differents puncts impurtonts. La fin havein denton stuiu</li> </ul>	A. Caminada

<p>rumper giu ella, cun quei che ei cuzzava aschiglioc memia ditg per tractar las ulteriuras tractandas.</p>	
<p><b>8. Orientaziun dil comité d'organisatziun DV Breil (Roland Vincenz)</b></p> <ul style="list-style-type: none"> <li>• Roland informescha tuts sur dallas preparazins per la delegada a Breil. Las talas organisaziuns ein sin turas aultas. Ils plans stattan.</li> <li>• Ei ha aunc biaras lottarias da vender. Roland fa attents che nus savein s'annunziar tier el per lottarias da vender. Quei ei ina petga finanziaala fetg impurtonta per nus.</li> <li>• Plinavon fa Roland attents, per tut quels che han s'annunziat da segidar, da mirar dad esser punctuals al liug, ch'ei sa vegnir luvrau speditiv ed efficient. Sche zatgi gida bugien aunc cun ein tuts denton cordialmein envidai en. Era maunca ei aunc glied pil service il suentermiezidi e sera. Il service cuoza in aura pli ditg che previu. Sche enzatgi ei prompts da segidar, ni enconuscha enzatgi lu san ins annunziar.</li> </ul>	<p>R. Vincenz</p>
<p><b>9. Orientaziun tir intern 2025 Pardiala</b></p> <ul style="list-style-type: none"> <li>• Paul informescha aunc cuort sur dils differents stechs che san vegnir sittai dil tir intern a paridala igl onn 2025. Il tir ha niev liug uonn durant il menaschi da tir. Pia buc pli in singul di. Pliras informaziuns suondan per e-mail. Ei dat in programm variont ed ei fuss bi, da veser aschi biars commembers sco pusseivel. Quei ei in grond egraziament per ils organisaturs.</li> </ul>	<p>P. Cahenzli</p>
<p><b>10. Mutaziuns</b></p> <ul style="list-style-type: none"> <li>• Elia Kamber vegn prius si niev unanimamein ella secziun da catschadurs Bostg. Janic ha gia informau el e fatg la mutaziun tier il BKPJV.</li> </ul>	<p>J. Schlosser</p>
<p><b>11. Varia</b></p> <ul style="list-style-type: none"> <li>• Remo Alig informescha aunc sur dalla tgira dil district che ha liug igl october a Rueun / Isla tiel plaz da ballapei. Ei vegn a dar ina informaziun per e-mail da Janic cun in talun d'annunzia.</li> <li>• <b>Ignaz envida en tuts el num dalla secziun sin in viva el Hotel Ucliva.</b></li> </ul>	<p>Tuts</p>

Waltensburg/Vuorz, igl 1. da matg 2025

igl actuar  
Janic Schlosser